

PSAMMOSERIS Boiss. et Reut.

Capitulum multiflorum. Involucrum uniseriale basi squamis paucis calyculatum phyllis immutatis. Receptaculum nudum foveolatum. Achenia exalata subcompressa sub 10 striata rostro setaceo albo eis quadruplò longiori terminata. Pappus multiserialis pilosus albus apici subincrassato rostri insertus deciduus. — Herbæ annuæ Ægyptiacæ et Arabicæ arenicolæ.

Genus a *Barckausiâ* cui affine distinctum acheniis brevibus subcompressis nec tereti-cylindricis, abruptè in rostrum longissimum album nec ex achenii substantiâ ortum attenuatis.

PSAMMOSERIS SENECIOIDES Bois. et Reut.

Ps. annua sub lente parcè et brevissimè hirtula, foliis rosulatis lanceolato-linearibus acutis pinnatilobatis dentatisve lobis triangularibus argutis margine parcè ciliatis, caulibus multis ascendentibus scapiformibus foliis vix longioribus simplicibus vel a medio ramosis 2-3 cephalis foliis 1-2 linearibus vel lineari-setaceis obsitis, capitulis minimis subcylindricis pedunculis setis brevibus paucis obsitis vel glabris, calyculo involucri quadruplò breviori, involucri livescentis phyllis conniventibus angustè nigrescenti-marginatis lineari-lanceolatis obtusiusculis dorso serie simplici aculeolato-setulosis, ligulis extùs rubellis involucri paulò longioribus.

*Barckhausia senecioides* Spr. — *Crepis senecioides* Delile Æg. tab. 42, fig. 2.

Hab. in arenosis Ægypti circà *Kahiram* (Del.) in palmetis ad *Sackara*. (Boiss.)

PSAMMOSERIS ARABICA Boiss. et Reut.

Ps. annua sub lente brevissimè setuloso-hirta, foliis rosulatis oblongis argutè dentatis pinnatilobatis partitisve segmentis parvis ovatis sæpè parcè denticulatis, caulibus pluribus ascendentibus a medio subdichotomè et breviter ramosis 3-7 cephalis foliis 2-4 plò longioribus, folio caulino inferiori sæpè pinnatisecto reliquis minimis setaceis, pedunculis glanduloso-hirtis, capitulis mediocribus, calyculo involucri